

ILLVST.^{MO} ET EXC.^{MO} PRINCIPI,
D O M I N O
THOMAE ROSPIGLIOSIO

ARCIS S.^{NI} ANGELI PRÆFECTO.

Illust.^{me} & Exc.^{me} Princeps,



*Inter litteraria monumenta,
qua ad Historiam pertinent,
nullum iucundius, vtilius
nullum, commodiusq; Numi-
smatis antiquis; in his enim
Viri, præsertim Principes,
quibus ob negotiorum molem, atque multitudi-
nem non vsquequaque vacat, vno ictu oculi, He-
roum, & Imperatorum, qui elapsis sæculis retrò
fuere, vultus, habitus, resque fortiter, ac præ-
clare gestas recognoscunt, &, qua deinceps ge-
rant ipsi, peruident. Quando igitur Exc.^a V.^a
oblectari se, capique hoc studio, mihi non ita
pridem indicauit perhumaniter; Obseruation-
culas istas illi offero perbreues, quas in schedis
meis reperi, obsequij perennis, quod Sanctissimo*

Domino Nostro CLEMENTI IX. pa-
truo , & Ill.^{mis} & Exc.^{mis} Dominis Iacobo ,
& Vincentio fratribus V.^a Exc.^a, atque ipsi iam
dudum detuli ex asse, certissimum argumentum.
Id si libenter exceperit Exc.^a V.^a, mihi gratula-
bor, & animum, ingeniumque ad offerenda
potiora efferam, & erigam. Deus Opt. Max.
Sanctissimum Dominum Nostrum Pontificem
Maximum, verè Optimum, & Exc.^{as} V.^{as} bo-
no, ac decori Christiana Reipublica natas so-
spitet, ac diutissime fortunet. Vale è Cancellar-
io Kal. Nouembribus MDCLVII.

Exc.^{re} V.^{re}

Deuot.^{mus} & addict.^{mus} Seruus,

Iosephus Maria Suaresius Epi-
scopus Vasionensis, Vicarius
Basilicæ S. Petri.

N V M I S M A

PROBLEMA.



GITATVR nobile problema inter Æneam Vicum, & Sebastianũ Brizzum: iste negat ea numismata, quæ insigniuntur facie illa Anaglypha Imperatorum, vxorum, & filiorum, fuisse in vsu commercij.

1. Quia non est veri simile vulgari monetæ sculptas fuisse eas Imperatorum facies; quas Romani numinum instar adorarent, & cum illis ad loca secedere turpia apud eosdem Romanos esset capitale; vt patet ex Suet. in Tiberio; atqui per manus artificum viliorum traduci facies adorabiles quam indecorum esset?

De Numismatum, & monetæ discrimine fasciæ Bonis p. 73. Hist. Arelatens.

2. Ob nimiam eminentiam Anaglyphi essent incommoda numerationi, atque adeo humanæ societati, & commercio.

3. Quia erant elegantius excusa, Anaglypho nimirum eminenti, & exculpro. In quo Anaglypho cudendo oportuisset Marcûlos signatarios sæpius perfringi; vndè fuisset moneta, & Principi, & Præfectis monetarijs damno magis, quàm vtilitati.

Ab hac sententia discedens Æneas Vicus, arbitratur numismata ea, quæ antea descripsi-
mus; fuisse apud Antiquos vulgarem monetam.

A 3

1. Quia

1. Quia fuit in usu apud omnes nationes, ut facies Principum inscriberentur Monetæ, à qua etiam appellationem hauriebant, unde Darici, Philippici, à facie Darij, Philippi insculpta; vult Aristoteles in Politicis appositam monetæ faciem Principis tanquam fide iussorem, & vadem iusti ponderis, & legitimæ materiæ.

Apud Imperatores Græcorum in usu etiā fuit adscribi in nummis faciē Christi, quæ adorabilis est.

2. Ea numismata, quæ sunt Anaglyphi eminentioris, adeo non impediunt numerationem, ut etiam iuuent, quia facilius ab invicē separantur, adde quod sint ad usum diuturniora, quod facies Principis eminentior, sit etiam diuturnior.

3. Quod attinet ad elegantiam, & ad marculorum frequentem fractionem, eius est sententia, non excusa fuisse numismata, sed fusa; asseritque Lugduni repertos aliquando ex argilla confatos monetarios modulos; quibus ita fufis adhiberentur marculi, ut ad absolutam, & expolitam elegantiam perducerentur, facies Imperatorum in numismatis. Sed plura solet eruditissimus Carolus Patinus in Isagoge Gallica Notitiæ num. c.3. ex l.28. D. de Usufructu Numismata distinguens à nummis, et si sæpius miscantur.

Dignitas Numismatum.

Post symbola & characteres Ægyptiacos, post historiarum monumenta litteris consignata, quæ omnia ignis fuerunt, temporisque spolia. Demum excogitatum est ijs instrumentis, actiones humanas committere, sine quibus hu-

manæ societatis commercia consistere non pos-
sent, monetam intelligo, inuentum, quo nullum
fuit minus ab initio, nullum maioribus incre-
mentis ad gloriam Imperiorum præcessit, nihil
siquidem vel Græca, vel Romana gessit Respu-
blica, quod spectandum sibi, vel legendum non
dederit Moneta.

Si Bella placent, in nummis apparent descri-
pta vexilla, Trophæa; allocutiones; Trium-
phales curus, & arcus, armaturæ modus omnis,
clypei, cassides, ancilia, &c.

Si Religio placet, in nummis apparent facies
Numinum antiquorum omnis generis, pax, fe-
licitas, æternitas, pietas, Tempia, Sacrorum
omuium ritus, Deorum simulacra, aræ, vasa,
litui, funerum varietas, Apotheosis.

Si placent Politica, in nummis visuntur ma-
gistratuum fasces, ludi sæculares, Theatra, Am-
phitæatra, Sellæ, Diademata, Tiaræ.

Quidquid tandem de primario illo populo ce-
lebrari potuit, aut ignorari à posteris non de-
cebat, in æternis numismatum tabulis asserua-
tur. Numismata siquidem sunt illa memoria
tabula adamantina, gloriæ perennis, & immor-
talis charta, illustris ara Mnemosynes. Inclusum
itaque in nummis nobile historiarum opus, æ-
que aded alibi collapsum restitueunt numismata,
& illustrent historiam antiquam.

Victura signauit imagine nummis,

Flamma triumphales ambussit linida ramos,

Auratasque notas vis lethi infregit, & cui,

Nasamachia, Cæci, Tempia, Amphitæatra, Colesso

Nunc brevis immenso Roma de funere pulvis,

Dives

*Dives adhuc cornu fortuna reliquit in auro ,
 Vina renascentes cui spiras imago Quirites ,
 Mira fides Plusus Dis lumine cassus , in auro
 Nunc oculus centum ceu Lynceus Argus adapeat ,
 Qui ceteri ante Mida insanas errant ad arces
 Nunc sedes ipse Sophon grémio Phœbique Theatro
 Spectas honoras spectandus & ipse metallo ,
 Ac docto loquitur sacunda silentia vultu ,
 Dardanidum antiquos muto carit ære triumphos
 præstantque Numismata charis
 Antiquo quo vivit Roma metallo
 Roma hic ætæ , sola alibi que voce triumphat .*

Origine & ætas Numismatum

Divus Augustus 41. de Civitate ait placuisse Romanis, ut Argentinus Deus diceretur filius Æsculani quod ærea moneta argenteam præcessisset. pecuniæ signatæ usum antiquissimum fuisse pater ex Genesi de Abrahamo, & alijs; formæ, & usus facilitas à Servio Romano Rege traxit originem, qui ovium, bouumque effigie signavit nummos, indeque dicta est pecunia.

Iano tribuitur à plerisque origo signatæ pecuniæ, quod in altera fronte nummorum adscriberetur eius caput, in altera verò fronte, vel navis, vel pons, vel corona. Vide Athenæum, & Macrobius. licet alij velint navim appositam fuisse nummis Italicis, quod Saturnus navis vectus fuisset in Italiam.

Licebat Prætoribus, Quæstoribus, ac Legatis, nummos eudere in Prouincijs, ait Fulvius Ursinus, & in ijs familiarum suarum gloriam chara-

acteri-

æteribus symbolicis tanquam litteris sculperet, ita ut quod nobis sunt stemmata gentilitia, in quibus Galli familiarum suarum gloriam pingunt. Id Romanis essent numismata, in quibus adscriberent æternis pæne monumentis domesticæ gloriæ dignitatem.

De Materia Numismatum.

Primus nummus fuit ex ære, ut diuitijs assignaretur pondus, sub quo mortales gemere docerentur. Nihil aptius certè potuit eligi ad numismata cudenda, quam metalla, seu commercij gratia, seu memoriæ conseruandæ, nam figurata metalla facilius circumferuntur, & difficilius deteruntur.

Alexander Seuerus necessitate compulsus ex Electro monetam cudit, hoc est miscuit quintam argenti portionem, in aureis quatuor, ut Plinio visum est loquenti de Electro, Gallis dicitur *Orbas*; *Or blanc*.

Caracalla cudit adulterina numismata, plumbum videlicet argento, vel auro illicitum pro nummis exponens, ait Xiphilinus.

Numa ligneos, & scorteos cudit nummos, quem imitatus est Fridericus Ænobarbus, qui penuria pressus in stipendium militum scorteos nummos distribuit argenteo clauo suffixos.

Ferreis nummis dicuntur vsi Lacedæmonij lege Lycurgi, ut impedirentur pondere pecuniarum, nec eis sese onerarent. Dionysius Tyrannus stanneis nummis fertur vsus.

Materia communis Numismatum fuit apud omnes

omnes nationes aurum, argentum, æs, quod æterna sint metalla; stanno, & plumbo absteruerunt, quod usu deterantur nimis.

De forma Numismatum.

IN Numismatum figuris tria potissimum videntur consideranda. Et primò quidem occurrit frons prima Numismatis, in qua sculpebatur, ut plurimum, facies Principis. Secundò aversa frons, in qua symbolicis characteribus scribebatur gloria familiarum, vel Imperij. Tertio, Epigraphæ variæ, quibus Numismatis utraque frons sæpissimè coronatur.

De prima fronte Numismatum.

Dignissimum omnium spectaculorum sub Cælo est humana facies, ideoque antiquitas ut illustrium virorum faciem faceret immortalem, auro, argento, ære immortaliter expressit. *Illustres animas, & quas ab imagine laudes.*

Regij, & supremi iuris cum semper fuerit cudendæ Monetæ potestas, nemini vnquam licuit nisi Principi supremo faciem propriam imprimere Numismatum primæ fronti. Indè Darius punijt Aryadnem ex Herodoto lib. 4. Histor. pag. 316. Ægypti Præfectum, quod ausus fuisset monetam cudere argenteam, cui propriam faciem impresserat. Eodem crimine Commodus damnauit Perennium, & Seuerus Plautianum. Vndè qui ambiebant Imperium secretò propria facie impressam monetam cudebant, quam dein-

deinde spargerent & publicarent. Exosi vero Imperatoris Numismata iussu Senatus semper re-
cusâ, & refusa sunt, ut eius facies aboleretur
vel in nummis, quod Caligulæ, Neroni, Do-
miciano, Commodô, & Heliogabalô contigit.

Consulum tempore nulli licuit in nummis
propriam insculpere faciem viuentis, sed Trium-
uiris Monetarijs A. A. A. F. F. constitutis licuit
vel auro, vel insignium virorum facies in-
sculpere.

Dion. lib. 44. testatur Iulio Cæsari omnium
primo concessum fuisse à Senatu Auctoritate pu-
blica, ut effigiem sui viuentis in nummis scul-
peret; quod admisit, exemplumque eius secuti
sunt posteri Cæsares.

Unum obijcitur, plurima extare Numismata,
in quibus visitur facies, Iunij Bruti, Serullij
Halæ, Reguli, Marcelli, Syllæ, Dolabellæ, Pom-
pei, Domitij, &c. Huic dubio multa reponi
possunt, & primò quidem huiusmodi Numisma-
ta cûsa fuisse tempore turbulento bellorum ci-
uiliunt, in quo licebat non quod legibus, sed
quod libido, & potestas viribus parata indulge-
bat. Secundò, non cûsa ijs viuentibus, sed fortè
ab aliquo Triumuiro Monetario, cui Cæsares
veniam dabat auro, suorum effigiem imprimendi,
præsertim initio Imperij.

Aristoteles in Politicis asserit idè impressas
nummis Principum effigies, ut auctores essent
subditis seu de materia, seu de pondere legiti-
mo pecuniarum, cum id omnes sibi facîle per-
suadeant neminem ausurum violare nummum,
in quo sit impressa maiestas Principis, cuius facies

sic ad instar sigilli publici, inde est ut Imperatorum Moneta sacra fuerit appellata. Imò quod adorarerur facies Imperatorum etiam in nummis, sunt qui explicent illud Apostoli. Avaritia, quæ est Idolorum servitus, de adoratione faciei Principum in nummis.

Adulterinæ pecuniæ confatōres, imminutæ maiestatis rei semper habiti sunt, non tam ob suppositum nummum, quam quod dignitatem vultus Imperatorij scēdasse crederentur. Indè in Constit. Gratianus & Theodosius. pleatur supplicio, qui æternales vultus, dum fraudibus studet, duxerit violare.

Theodoricus Rex apud Cassiodorum libr. 5. epist. 32. Monetæ debet integritas quærī, ubi vultus noster imprimitur. Quid enim, ait, tutum, si in nostrā peccatur effigie, & quam subiectus corde venerari debuerat, manu sacrilega violare festinet. Et infra sit mundum, quod ad formam serenitatis nostræ adducitur; claritas Regia nihil admisit infectum, nam si vultus cuiuslibet puro colore depingitur, multò iustius metallorum puritate principalis gratia custoditur; imago Principum subditos videtur pascere per commercium.

Ea sanè fuit gloria apud populos faciem in Monetis imprimere, ut Reges & Imperatores sibi solis licere voluerint, cuius gloriæ tenaces adeò fuere Romani Imperatores, ut Regi Persarum non concederent signare in auro faciem, sed in argento dumtaxat, licet Francis Regibus id concesserint, ut habet Procopius:

Idem ius in Principibus, D. certè Ludouicus bellum

bellum mouit contrà Ducem Britanniae Petrum cognomine Macler, seu malum Clericum, quòd contrà fœdus, quo cauebatur, vt candida dumtaxat, aereaue materia faciem signaret, auro signasset.

Imago Principum impressa fuit vario Numismatum generi monetario nimirum, honorario, munerario, indè ex monetario Dicitur Darici, Philippici, Antonini, ex Vopisco in Aureliano, & in Euangelio. cuius est imago hæc?

Honorario Numismati.

AD Chilpericum Franc. Regem misit Tiberius Imperator Aurea Numismata quingenta, singula libraria facie propria notata. Cum Epigraphæ: Tiberij Constantini perpetui Augusti. In auersa fronte currus & auriga. Epigraphæ. Gloria Romanorum.

Henricus IV. Franc. Rex, Heluetijs Legatis fœdus renouaturis torquem singulis dedit quingentorum aureorum, cui appensum erat Numisma signatum facie sua. In auersa verò fronte erat Ara, cui innixæ binæ columnæ coronæ sustinebant. omnia verò ramis palmæis, laureisque erant implicata. Ad basim Aræ programma. *Ex auro Francigena. Anno fœderis renouati effosso.* In ambitu Numismatis Chronologicum erat programma eius anni 1602. *Regis sacra fœdera Magni.*

Cusum fuit Numisma ab Herode, cuius prima frons exhibebat caput Antonij. hac Epigraphæ. *Salomohc Melech. Salomon Rex.* In auersa fronte

fronte templi Icon. Epigr. *Templum Salomonis*. Adularoriè quasi Antonius esset alter Salomon Templi Restitutor.

Munerario Numismati.

Appressa facies Principum nummis potissimum in Inaugurationibus. Vndè ait Ammianus Marcellinus aureos nummos in vultum noui Principis aptarunt. Iustinianus in Nouell. soli Aurum spargere datur Imperatori, cui etiam soli contemnere præstat fortunæ fastigium. Argentum verò Consulibus largiri decens.

Vultus Heroum, & Deorum.

Romæ galeatæ cum duabus Alulis virili specie apposita est effigies in nummis Consularibus, vt plurimum, in prima fronte.

Præfecti Mònetarij Heroum imagines gentilitias apponebant, ita Calphurnia gens à Calpo filio Numæ originem trahens, Numæ vultum in nummis apponebat. Martius Philippus ab Anco Martio Rege, Anci Martij. Tituria Tatij Sabini Regis. Iulia, Veneris caput, Claudia gens, Claudie Vestalis. Cornelij, Africanæ, aut Nasicæ, Ciuitates vultus fundatorum apponebant in Numismatis, Tarentini Tarentis fundatoris Delphino insidentis; quod esset Neptuni filius. Tomitani Tomæ herois hac Epigr. *τῶμος κτιστὺς*. In auersa fronte Herculem apponebant horum Genium tutelarem.

Viro-

M Agnecij affecti magnis beneficijs à Cicerone in prima fronte suorum Numismatum, caput eius apposuerunt, in aversa verò facie manum, quæ civicam coronam ferret; Alulsum ad eam, quam meruerat Consul, eundem honorem Tito Flaminio libertatis auctori Græci tribuerunt hac Epigr. T. Φ. Θ. Tit. Flam. Deus.

Coi Hippocratis vultum nummis apposuerant, Teij Anacreontis, Parij Archilochi, Crotoniatæ Milonis, Samij Pythagoræ, Tarentini Architzæ, Smyrnæi, Homerij, Mitylenæi Sapphus, Athenienses Cynegiri, Gelon. Rex Siciliæ vxoris imaginem nummis apposuit, cui nomen Demarete, vnde nummus dictus Demaretius imo ipsa Demarete. Gergilij in Phrygia Sibyllæ eorum conciujs vultum. Alexander Severus Alexandri Magni faciem. Tiburtini, quod absoluti essent in Senatu ex Lentuli Prætoris industria, eius faciem nummis insculpserunt: Caligula iussit apponi in nummis imaginem trium sororum. Agripinæ, Drusillæ, & Iuliz Dearum habitu, omnes, cum cornucopiæ altera columnæ innixa Constantiæ Deam representabat, altera cum patera pietatem, altera cum clauæ Fortunam. Item matris Agripinæ vultum apposuit memoriæ propagandæ gratia.

*Vxor Gelonis
Regis Dama-
rethe filia
fuit Thero-
nis Tyranni
Agrigintina-
rū Fazell. lib
1. Decad. po-
ster. de Reb.
Sicul. c. 4.*

Rem infinitam aggredior explicandam, eas imagines nimirum, & characteres, qui in aversa fronte Numismatum adscribebantur à veteribus, seu Græcis, seu Romanis, seu Barbaris, qui characteres cum à sola ingenij libertate penderent, per se nullis terminis circumscripti, infinitum propè in numerum excreuerunt. Vti tamen commodius disputare de illa characterum infinitate liceat, eam ad definita capita reuocabo.

Et Primò, De sacris Deorum, Pontificum, ac sacrificiorum symbolis quæstionem instituam.

Secundò, De Politicis Magistratum, ac Regum insignibus, de characteribus Ludorum, Colonialium, & aliorum id genus.

Tertiò, De Bellicis Trophæorum terrestrium, & maritimorum insignibus.

Quartò, De nobilitatis Characteribus, & gentilitijs symbolis.

Quintò, De symbolis artis, & scientiæ Hieroglyphicis.

Sextò, De symbolis moralibus virtutum, & vitiorum.

P R Æ L U D I U M.

GAbriel Simeon Florentinus arbitratur eos Characteres, qui appingebantur in aversa fronte Numismatum, nihil aliud fuisse quàm symbola, quæ nos appellamus (*denise.*) Quæ symbola si erant gentilitia, poterant arma, & insi-

insignia familiârum vocari; Indè in ea est Sententia de nostris stemmatis gentilijs, nihil aliud ea esse, quam auersam numismatum antiquorum frontem: Alibi tamen dicit nos inopia laborare argumenti, qui in auersis numismatis appingamus sola stemmata, cum antiqui fuerint tam copiosi in appingendis symbolis, & Characteribus tam diuersis.

Apud Romanos crescente Magistratuum, quibus erat cura permessa eudendæ pecuniæ, ambitione, extremis Reipublicæ temporibus, familiarum honores apposuerunt Præfeti Monetarij in auersa fronte, vt symbola Sacerdotiorum, Magistratuum maiorum, Ludorum exhibitorum, Triumphorum, Templorum consecratorum; & aliorum id genus; cum antea dumtaxat apponerent symbola rei Monetariæ, aut Castrorum signa, vel Victoriâ, vel Bigas, vel Quadrigas, indè nomen Victoriati, Bigati, &c.

Sub Imperatoribus, numismatis adscribebant omnes illustres casus; Vti sanitatem Principis per symbola Dæ Sanitatis; ita nuptias, concordiam, expeditiones militares, victorias. omnes demum casus seu bellicos, seu politicos.

De sacris auersi Numismatis Characteribus.

IN Siculo Iudæo excudebatur virga Aaron, & vas, in quo seruabatur Manna reconditum, in memoriam cælestis vtriusque beneficij, & præstiti sibi Sacerdotij. Epigraphe: *Siclus Israhel.* & vasi impositum Aleph, quod per se solitariè positum significat vel Adonai, vel Iehoua.

Semisiclus, in cuius altera facie adscribebatur radix Balsami, in altera Palma arbor. Vtraque symbola provincie Palestine, vel potius Circumcisionis, nam folia Palmæ in figuram cultri finguntur à natura, & Balsamum ut colligatur incidi debet arboris cortex non ferreo, sed lapideo cultello. Vndè huic Semisiclo erat Epigraphæ: *Tempus circumcisionis*.

Item in alio Siclo prima frons guttum habuit, & lanam, symbola Sacerdotalis unctionis. In altera fronte torquis Regius varijs vnionibus distinctus erat, ex multiplici nimirum Regum, & Virorum illustrium serie, ut creditum Villalpandæ, totiusque Sicli symbola denotant Pontificalis, & Regiæ dignitatis apud Iudeos concordiam.

In nummo Iubæ Africæ Regis apponebatur Ara, cui serpens erat implicitus. Epigraphæ. *G. T. M.* id est, *Genius Tutelaris Mauritania*.

Æternitas Augusta altera manu Solem, altera Lunam præfert in Hadriano.

Providentiæ Deorum fulmen adscriptum, quod est symbolum supremæ auctoritatis, Item Character est celebritatis, & auspiciū rerum illustrium; vndè Ægyptijs amplitudinem gloriæ, & famæ toto orbe diffusæ significabat fulmen. Consiliarium etiam dicitur fulmen, quod eo præfagiantur principibus rerum euentus, in Antonino.

Antoninus Philosophus Imperator fulmen tenens à Victoria in Nummo coronatur seu æmulus Iouis, seu debellatis, ac fulminatis Marc-
mannis.

-unse

Σ

D. Pau-

D. Paulinā vxor Maximini in calum rapitur Pauone, sicut Faustina, in auersa fronte numismatis.

Solebant Principes speciem affingere sibi eius Dei, vel Genij, cui essent peculiariter addicti. Ita Antonius fingebatur in Numismate, Bacchū specie hedera coronatū. Augustus Apollinis, Commodus Herculis, Antiochus Epiphanes Dionysij.

Dij Tutelares adscripti in Numismatis, vt Pallas à Domitiano, & Antonino Philosopho, & Caracalla. ita Hercules à Commodo, & Maximiniano, Romulus ab Hadriano, Iupiter à Diocletiano, Apollo à Gallieno.

Ita omnes ij Imperatores, qui in Asia res feliciter gesserant, aut Imperium obtinuerant, Solem Orientalium nationum peculiarem Deum coluisse notantur. Idēd̄ sēpius Sol nummis adscriptus inuenitur his titulis, *Solis æterni*, aut *Comitis Augusti*, aut *Propugnatoris*, vt in nummis Valeriani, *Conseruatoris*, vt in nummis Æmiliani. *Providentia Deorum*, vt in nummis Aureliani *Soli inuictō*, vt in nummo Quirē Ty-ranni; in quo est adscripta imago Solis nudī radiatī Orbem tenentis, ad cuius pedes sedet captiuus.

Consecrato Vespasiano caput eius nummo appositum cum hac Epigraphe: *D. Aug. Vespas.* reliqui tituli obmittuntur, quod excellenter in titulo Diui omnes humani tituli contineantur.

Galba, quōd esset auctus honoribus à Liuiā, nummos suos signauit Liuiæ imagines hasta pura, & patera insigni hac Epigraphe; *Diva Augusta.*

Iustinus lib. L. voluit antiquos coluisse hastas pro Dijs; atque aded solebant illæ adhiberi Deorum simulacris, vt in Cæsaribus Consecratis.

Augustæ & Regiæ consecratæ colebantur in nummis sub imagine alicuius Deæ; Ita Cleopatra ornatu Dianæ se nummis apposuit. Iulia Seueri vxor specie Lunæ aurigantis hac Epigraphe; *Luna Lucifera*. Sabina Hadriani specie Iunonis. Faustina filia specie Veneris. In nummis autem vt plurimum capita Augustatum Consecratarum intra Lunæ semicirculum sculpebantur.

¶ Tanti fecit Cæsar Pontificiam dignitatem suo maximo labore partam, & periculo, vt symbola Pontificia in nummis suis plerumque sculpi iuberet; cuiusmodi sunt capeduncula, guttus, lituus, aspergillus, secespita, albus galerus, patera, caput velatum, &c. In eius item nummo reperitur Elephas cum Dracone, vterq; Consecrationis typus, Elephas quidem (vt habetur apud Suetonium in Claudio), Draco Heroibus Consecratus, vt patet ex Plutarcho in Cleomene.

Phoenix Orbi stellato insists capite radiato in nummo Constantij fidem resurrectionis in Christo testabatur, & nouam in Cælo gloriam hac Epigraphe; *Felix temporum reparatio*.

In numo Titi apparet Vrna Columnæ imposita inter duas Lauros. Vrna est cinerum Vespasiani patris post Consecrationem posita inter Lauros.

Vota pro salute Principum numismati signata, ita post recuperatam Augusti valetudinem sculpta in auerso numismate, Corona querneæ, seu

seu Cinica Ioni suspensa, quasi Principis salus
ad Deos potissimum referatur.

Idem Augustus in expeditione Cantabrica
fulmine appetitus vouit Templum Ioui Tonanti,
& numismati apposuit. Vide Horat. lib. 3. in O.
de Calo Tonantem credidimus Iouem.

*De Politicis Magistratuum, ac Regum Insi-
gnibus, & Characteribus, Ludorum, Co-
loniarum, & aliorum id genus.*

Aegypti Reges nummis adscribebant Sil-
phium, & Sistrum ipsorum insigne, sicut
& Hieronymus Siciliae Rex fulmen. Item in
nummis Imperatorum visitur in Clypeo Caligu-
lae circulus ornatus alternatim Luna, & Stella-
rum figuris. In Hadriani Clypeo apparet eques
consiciens Chimera, in Clypeo Taciti Im-
peratoris eques princeps, in Clypeo Probi pu-
gna equestris. In Clypeo Alexij Comneni A-
per.

Piso Aedilis ab Augusto creatus Annonae cu-
randae Praefectus nummis suis apposuit Ceterem,
& Saturnum, tamquam agri colendi doctores,
& Genios agriculturae, quibus addidit & spicas
tamquam insignia Praefectorum Annonae.

T. Carisus IIII. Viri Torrentio in Sue-
ton. Aug. pagina 1362. exhibente num-
mum, eundem Monetæ Praefectus ab Augu-
sto, non modò symbola Praefecti Monetarii (hoc
est) forcipes, malleos, incudes, pileum Vulca-
ni, sed etiam, ut Augusto adularetur, apposuit in

nummis aliquando Sphingem, qua utebatur Augustus in annulo sigillari, aliquando portam Ciuitatis, quod Augustus in Lusitania ædificasset Emeritam, &c.

In nummis Augusti adscribitur Sphinx, qua notabat ab omnibus difficillimis negotijs sese expediuisse, sicut Sphinx explicabat omnes nodos ingenij.

Ex nummo Vespasiani licet colligere formam Fortunæ Aureæ Imperatorum, quæ tradebatur successori ad Imperium. Insistit illa Basi cum cornucopia, & clauo. hac Epigraphe: *Fortuna Augusta*.

In nummo item Vespasiani, tradit ille filio Tito Orbem, hoc est Imperium.

In nummo Pertinacis mulier est stolata, quæ recipit de Cælis delapsum Orbem, quo indicabat ille Imperator se Deorum prouidentia Imperium accepisse.

In nummo Traiani Iupiter est adscriptus cum fulmine, & pallio, quo tegit, & tuetur Traianum, quo significabat Principes esse sub Iouis tutela.

Valentinianus iunior stat in Triremi Angelo ad clauum sedente, hac Epigraphe, *Gloria Romanorum*; qua portendebat gloriam Principis Christiani esse regere Imperium nutu Dei.

In nummo Placillæ Theodosij vxoris sedet Victoria in medijs spolijs, quæ in Clypeo ad Palmam appenso adscribit, Christus, Epigraphe numismatis est: *Salus Reipublicæ*. quo denotat Christi protectioni & Victoriæ, & Reipublicæ salutem deberi.

In

In nummo Seueri adscriptæ sunt effigies duorum Liberorum, hac Epigraphe . *Aeternitati Imperij* . Verum spes patrem fefellit .

Fortuna cum Cornucopia , & prora adscripta in nummo Vespasiani, hac Epigraphe : *Fortuna reduci* . Designabat appulsu Vespasiani ad Imperium rediisse apud Romanos fortunam & felicitatem .

Typus Rheni, quo deucherentur necessaria, vel, qui Romanos ab Barbaris determinat, & tuetur ; in nummis adscriptus hac Epigraphe : *Salus Provinciarum* .

Interfectorum Cæsaris nummi continebant in altera facie caput Libertatis, in auersa fronte Victoriam, quæ Romam sedentem coronaret .

Cæsar Instaurator Corinthi adscribebat nummis Bellerophonem Pegaso insidentem , ac pugnantem cum Chimæra, quod erat Corinthiacæ ciuitatis insigne . Item appingebat nummis aratrum , vaccam , signa militaria , vexillum Cohortium, & Aquilam Legionariam, & decempedam , quæ sunt symbola Coloniz deductæ .

In Cassia gente boues iugati apparent, tamquam symbola Coloniz deductæ .

Augustus Reparator Neapolis , quam in urbem Coloniam deduxerat, notabat nummos effigie Sirenes Parthenopes , quod est symbolum , & insigne illius ciuitatis .

Commodus in nummo, Herculis habitu iuuenicos iungit, hac Epigraphe : *Herculi Romano conditori* : Nimirum Romam immortalem , & fortunaram Coloniam Orbis terrarum appellauit , volebat enim suam esse Coloniam , inquit Dio Cassius .

In nummo Hadriani, Agricola tenet aratrum dextera, anchoram sinistra, hac Epigraphe. *Tellus stabilita*. Quod pacato orbe Hadrianus reddidisset honorem agricolæ turæ stabilem.

In eiusdem nummo Imperator rogatus adscribitur dextra subleuans mulierem genuflectentem, & Turriti capitis orbi innixam, hac Epigraphe; *Restitutori Orbis Terrarum*. Eo nimirum designabatur tellus, cuius oppidis Imperator Hadrianus beneficia multa contulerat. Nullus enim Principum ferè (inquit Spartianus) tantum terrarum tam celeriter peragrauit, ubiq; beneficus.

Imperatores in initio Imperij eadebant nummos, in quibus adscripta corona Ciuica his litteris in medio S.P.Q.R. hac Epigraphe; *Ob Cines seruatos*. illi siquidem optabant à clementiæ laude, & paternæ curæ auspicari Imperium. Vndè & titulum Patris Patriæ affectabant. In nummo Augusti simulacrum pacis apponitur alatum, quod Caduceo tangit caput Serpentis, hac Epigraphe; *Paci Augusta*.

Templum Iani à se clausum, Augustus nummis sculpi iussit, in auersa autem facie apposuit Orbem, hinc, & hinc ramis Laureis vinctum; in symbolum pacis comparatæ bellicis victorijs, hac Epigraphe; *Paci perpetua*.

In nummo Antonini Philosophi Pax, altera manu cornucopiæ, altera protendit facem, quæ cunctum armorum accendit, hac Epigraphe; *Pax Augusta*.

In nummo Hadriani, Concordia sedet, ut securam tenet uti Pacis cum Dijs consiliatrix. Spolijs, & cornucopiæ innititur, ut mater victo-

Victoriatum, & felicitas affluentię.

Ludi Sęculares symbolis Dianę, Apollinares Apollinis, Cereales Cereris in nummis exprimebantur. Cęsar, quod Taurum primus in spectaculum exhibuisset, Tauri imagine signauit aliquando nummos.

In nummo Tetrici Imperatoris Tyranni, Typus Lętitię adscribitur, quę gerit dextra manu Diadema, sinistra verò Anchoram, hac Epigraphę; *Lętitia Augusta*. Diadema seu Corona est symbolum Lętitię, quod Lętantes coronati incedant; indicabat ille Tyrannus se assumpto Imperio fundaturum Lętitiam publicam.

Forum suum nummis expressit Traianus, & Pontem in Danubio ædificatum. Item quodd Pontinas paludes siccatas strauisset, & curribus peruias fecisset, apposuit in numismatis suis mulierem humi procumbentem, quę rotam teneret, & arundinem; Prouinciārũ symbola aliquando in nummis adscripta, vt Africanę, quod erat in prima fronte numismatis, adscribitur caput mulieris Galeatę Elephantino capite; iuxta ponitur spica & aratrum; in auersa autem fronte Hercules. In alio nummo Augusti; Pegafus est symbolum Africę, vt habet Gozius.

In nummo Traiani Camelus, & thuris ramus, est typus Arabię Prouincię.

In nummis Hadriani ramus Oleę & Cuniculus, quorum feracissima est Hispania, est typus Hispanię Prouincię.

In nummo Decij, Dacia Prouincia baculo sustinet caput Equinum, in signum bellicę gentis.

Peloponnesij Testudinem adscribebant nummis,

mis, hinc dictus Chelôn nummus. Athenienses Noctuam symbolum Mineræ sapientis, inde lusus serui Gylippi Laconis. Multas Noctuas cubare sub testis. quod Gylippus esset depeculatus publicam pecuniam, quam Lyfander fuerat deprehensus Athenis, eamque sub regulas testi abscondisset. Vide Plut. in Lyci. Item Athenienses apposuerunt Bouem in nummis ex instituto Thesei ob memoriam Minotauri à se occisi, aut Tauri Marathonij, aut quod docuisset Athenienses Politiam, & cultum agrorum.

Argiui, Lupum, & murem in diuersis; Rhægini leporem, Dardanij gallos pugnares, Tegeedij securim, Træzenij Tridentem, quod Neptunum religiosè colerent. Cephaleij equum. Locrentes Hesperum Stellam, Chij Sphingem eorum insigne, & Homerum sedentem, ac tenentem manu Iliadem, Smyrnæi Melam fluium vasi innixum, iuxta quem natus fertur Homerus. fluuius autem altera manu Laurum, altera Lyram tenebat. In auersa verò fronte Victoriâ, quasi de alijs ciuitatibus, quæ de Homeri natalibus gloriantur, Victoriâ retulissent. Coi inscribebant in nummis baculum Serpente circumuolutum, quod erat insigne ciuitatis, cuius tutelaris erat Æsculapius.

De Bellicis Trophæorum Terrestrium, & Maritimorum insignibus.

Victoria multipliciter exprimitur. In nummis aliquando Trophæum coronat; alioquando altè volans videtur. coronam impositione Duci.

Duci. Alias Duci stanti, & loriceam calcanti;
vel clauum, si sit Maritimum praelium, tenenti
porrigit coronam, aut Palmam, vel Laurum.

In nummo Cæsaris, in prima fronte Minervæ
caput, in auersa Victoriæ. Est enim Victoriæ Mi-
neruæ parhedros.

In nummo communi Vespasiano & Titō, Vi-
ctoriæ basi insistit, ex qua affiliunt duo angues.
per angues inuidi designantur, quibus inuitis
victoriæ se potitos significabant, aut angues pru-
dentia symbolum, qua Victoriæ & Triumphos,
& gloriam in tuto se collocasse designabant. vel
etiam concordia sua.

In nummo Posthumī, Hercules coronam im-
ponit Posthumo loricato, quo designabat, se Vi-
ctoriæ adeptum esse auctore Deo, & fortitu-
dine sua, æternumque duraturam, vt indicabat
Epigraphe: *Æternitas Augusti*.

In nummo Aureliani, in auersa fronte; Laurea
Corona hac Epigraphe; *Temporum felicitas*.

In nummo Antonini Philosophi, Virtus Bellica
nudo brachio Ancile sustinens, & altero Victori-
lam. quo designabat aperto Marte se velle Vi-
ctoriæ consequi, nec indulgentia fortunæ, sed
sua virtute euectum ad Imperium.

In nummo Constantini Magni, item & Iusti-
niani, sedet Imperator manu gestans Globum,
cui victoriæ insistit, coronam capiti Imperatoris
imponens, quasi victori Orbis.

In nummo Tiberij, Victoriæ insidet Orbi stella-
to, quod victoriæ de Cælis detur, sedet autem
vt eius æternitatem significet. Sedet in Orbe stel-
lato, quod adeo gloriosa sit, vt vnâ cum stellis

radios per Orbem diffundat.

Sylla sculpsit in nummo Orbem quadruplici Laureæ coronæ circumdatum, ob quatuor eius Triumphos de Græcia, Asia, Ponto, Mithridate.

Tanti fecit Pompeius Præfecturam Maritimam, nihil ut frequentius in eius nummis inueniatur, quam symbola maris, vel Neptunus cum Tridente, vel Triton inequtans feris marinis, vel Acrostolia, Rostra, Delphines, Trophæa Maritima.

In nummo Agrippæ, qui sub Augusto tantum mari potuerat. Neptunus Delphinum porrigit. In nummo Pompei, ponuntur symbola traditi Maritimi Imperij. Sceptum, videlicet, inter Aquilam, & Delphinum.

Alemania sedens, & lugens iuxta Trophæum Constantini, hac Epigraphe: *Gaudium Romanorum.*

In nummo Tetrici, & Floriani, Iupiter sedet, manuque sustinet Victoriolam. hac Epigraphe: *Ioui Victori.* Victoriæ ex symbolo in Deum referunt.

De Nobilitatis Characteribus, & gentilitijs Symbolis.

IN nummo Antonini Philosophi in prima fronte facies Commodi, in auersa ponitur Spes, hac Epigraphe: *Principi Inuentus.* cusum, videlicet, numisma viuentis patris. Ita Diadumeni, Maximini, Philippi iuniores.

Porcia gens gloriatur lege lata ne liceat verbis afficere cinem Romanum, vnde notabat num-

nummos imagine Magistratus cuidam pileum imponentis. hac Epigraphe: *Prouoco.*

Reges Macedoniæ Clauam & Leonem apposuerunt numismatis, originis suæ ab Hercule deductæ indices.

Clauus nauis communis fuit nota numismatum gentis Cornelie, Papia gens orta Lauinio notabat nummos Lupo, vel Aquila, vel Serpente, quæ erant insignia illius ciuitatis.

Sicinia gens in memoriam Sicinij fortissimi Romanorum, notabat primam nummorum frontem capite Deæ Fortitudinis. hac Epigr. *Forr. P. R.* id est, *Fortitudo Populi Romani.* auersam vero frontem signabat Claua, & Leonis spolio, vel coronis, palmis, Trophæis, & donis militaribus.

In nummis Valeriæ gentis apponebatur Galeata Siren cum hastis & clypeo. In eadem quod à Sabinis oriunda esset. illique à Pelasgis, quorum mos fuit, ut vnum tantum pedem armarent, ut patet à Macrobio, in Virgilium 7. Ideo gens Valeria signabat nummos Marte, qui alterum tantum pedem armatum haberet.

Vibia gens à Sicilia oriunda, signabat Ceresis symbolis, aratro nimirum, spicis, tædis, curru tracto à serpentibus, porca, quæ ei sacrificabatur, & persona ob Ludos Cereales.

Nobilitatis Typus apparet in nummo Getæ, paludamento insignis hastam fert, & statuam velut stemma maiorum.

Gens Cæcilia à verbo Græco ἀἰέουαι medeor à medicis orta, nummis adscribebat imaginem Sanitatis, & Salutis.

Æmylia gens signabat nummos imagine Æmylij

lij lepidi, qui Ptolomei pueri Regis capiti coronam imponeret. hac Epigraphe : *Tutor Regum.* Quod & Ptolomæus moriens tutorem reliquisset filio Populum Romanum, qui ad hoc munus destinavit Æmylium Lepidum.

Claudia gens signabat imagine Claudij Marcelli Opima spolia ferentis, vel Claudie Vestalis, quæ patrem Triumphantem, à Tribuno Plebis curru detractum eripuit, & curru reddidit.

Cæsaris nummi pleni sunt, vel stella Veneris, vel capite Veneris, vel Ænea cum Anchise, vel Palladio.

De Symbolis Artis, & Scientiæ Hieroglyphius.

SAmij in nummo Pythagoræ Sphærum apposuerunt, in qua stellam Veneris virga tangeret Pythagoras; quod dicat Plinius eius sideris rationem primum Pythagoram inuenisse.

Tarentini in nummo Archytæ Cubum, & Cyllindrum apposuerunt, quorum dicitur auctor à Laertio.

In Carbonis nummo apponitur claua Herculis definens in Caduceum.

In Pomponia gente frequentibus Musarum figuris notantur nummi, Euterpe bifronte Tragœdix Præsides. Item Herculis Cychara canentis, Claua interim quiescente.

Tiria gens Pegaso notabat nummos, ob Titium Poetam insignem eius familiæ, qui floruit sub Tiberio.

Principis prouidentissimi Sapiëntiæ Columna Co-

Corinthiaca, cui insidet Noctua; Constantis Imperatoris filij Constantini Sapientia symbolum, ad columnas reclinantur, hasta, clypeus, galea; Perindè atque si arma se submitterent Sapientia, aut quod sapientia debeat esse iuncta virtus Militaris.

*De Symbolis Moralibus Virtutum, &
Vitiis.*

IN Herennia gente numismatis auersa frons Æneam habet, qui vehit humeris patrem; in prima verò fronte Virginem, hac Epigraphe, *Pietas.*

Pietatis imago in numismate Pompeij cognomento Pij, Virgo baculum sinistra, dextra porrigens anulum. Item in eiusdem nummo duo fratres Catanenses.

In lecto reclinatum fulmen supremi Imperij telum, in nummo Titi clementia typus est.

In nummo Antonini Philosophi Clementia pateram tenet, & sinum pandit, velut asylum referans oppressis. Item in eiusdem nummo clypeata Pallas tutelare huius Principis Numen.

In Carthaginensium nummo Iuno Tyria, seu Caelestis insidens Leoni sursum erecto, dextera fulmen, sinistra hastam puram tenet, hac Epigraphe: *Indulgentia Augusti.* Iuno Dea tutelarix Carthaginis ponitur pro ipsa ciuitate. Seuerus Imperator habitus vt Deus ab Afris ob eius in eos indulgentiam.

Adtexenda plura non censui, ne tedium parem, tum quia hunc gustum præbuisse satis duxi.

Ap-

Appingendum tamen, nondum liquere quid significant in plerisque Nummis Græcis Imperatorum notæ Γ. seu Λ. in versæ, & ΙΑ. ΙΒ. ΙΓ. an numerum annorum, quibus inierant, gerebantque Magistratum Monetales Præsides? ut Angelonius in Traiano p. 103. opinatur, Λ. explicans annum; an verò imperij? uti vult Tristanus Tom. 3. Commentar. Historic. p. 214. in Vaballatho. & sequuti videntur eos, qui Α diuinarunt *λυσάσατα*, id est, annum; Esse annorum numeri Notam circumductam sensit Casaubonus in Sueton. Augustum cap. 87. at Iosephus Scaliger in Chronicon Eusebij putat esse numerum Indictionum Iulianarum, Hadrianarū, Antoninianarum, Aureliarum, Constantinianarum. Itaque Ampliandum. Tantumque Nummographorum, qui fuerunt, subtexo indicem, seruata serie litterarum, à quibus initium nominum ducitur.

-
- | | |
|---------------------------|----------------------------|
| 1. Angelonius. | 14. Claudius Menetrius |
| 2. Ioannes Annius Viterb. | 15. Adolphus Otto. |
| 3. Antonius Augustinus. | 16. Petauius. |
| 4. Ioannes Camers. | 17. Antonius le Pois. |
| 5. Guilielmus du Cboul. | 18. Ioannes Pontanus. |
| 6. Cyriacus Anconit. | 19. Ioannes Sambucus. |
| 7. Sebastianus Brizzus. | 20. Iosephus Scaliger. |
| 8. Hubertus Golezius. | 21. Gabriel Simeonius. |
| 9. Gorlaeus. | 22. Iacobus Strada. |
| 10. Gualterus. | 23. Otfaniani. |
| 11. Antonius Guenarra. | 24. Tristanus Sanctamanti. |
| 12. Volfangus Lazius. | 25. Eneas Vicus. |
| 13. Pomponius Latus. | 26. Fuluius Ursinus. &c. |

F I N I S.